



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWEKUCALA LWEKWENGETA (FAL)**

**LIPHEPHA LEKUCALA (P1)**

**LWETI 2018**

**EMAMAKI: 80**

**SIKHATSI: Ema-awa 2**

**Leliphepha linemakhasi la-13.**

## TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Takhi netimiso telulwimi	(40)

2. Phendvula YONKHE imibuto ngeSiswati.
3. Cala LESO NALESO sigaba ehasini LELISHA.
4. Dwebela ekugcineni kwaleso NALESO sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisia sipelingi/lupelomagama nendlela lewakha ngayo imisho.
8. Kwehlukaniswa kwesikhatsi:
- SIGABA A: Emaminithi 50  
SIGABA B: Emaminithi 20  
SIGABA C: Emaminithi 50
9. Bhala ngebunono nangesandla lesifundzekako.

**SIGABA A: SIVISISO****UMBUTO 1**

1.1 Fundza letheksthi bese uphendvula imibuto lelandzelako.

**ITHEKSTHI A****IMALI YALUSHABA**

- |   |  |    |
|---|--|----|
| 1 | Umsebenti bewun gekho, tifiso betitinyenti tingangentsaba, inhlitiyo ihlala ibalisa. Ngike ngitisole ngekwala kwami kuya esikolweni, batali bami bebangincenga kutsi ngifundze sikolo njengabontsanga yami. Esikhundleni sekufundza ngakhetsa kuhlala ekhaya ngindzindze nje.  | 5  |
| 2 | Banyenti lebebasitakala ngekungafundzi kwami ngobe bebangamsweli umuntfu lebatamtfuma esitolo. Ngisho nabomakhelwane imbalabebatfuma mine uma bantfwana babo basesikolweni. Yinye inkinga lebebahlangabetana nayo, kutsi emabhuluko ami onkhe bekadzabuke tikhwama. Njalo nangiya esitolo bengingabuyi nentjintji, bengitsi ngingayifaka esikhwameni ngifike ekhaya ingasekho. Bese betaye nabo sebati kutsi mine vele intjintji angibuyi nayo.  | 10 |
| 3 | Intfo leyabuye yangihlupha bekusitunge, ngobe bese ngikhulile bangasangitfumi nasesitolo. Tidzingo tami besetiya ngekwandza. Ngatfolana nebangani lebayekela sikolo batsi bona sebakhatsele kufundza. Sahlangana saba licembu linye lebelibitwa ngekutsi Lizembe. Batali betfu bebangasenandzaba natsi futsi bebangajabuli ngetento tetfu. Ingani besihamba sibuye sinemali lenyenti lebesingeke sisho kutsi siyitfole njani. Indzawo yangakitsi bekuyindzawo lenhle lelihlanze. Indvuna yesigodzi sakitsi bekunguLushaba. Phela Lushaba bekayindvodza lecotfo, letsembekile naletsandza bantfu. Bekagweba umuntfu ngekona kwakhe. Sigwebo bekasikhapha silingane nelicala lakho angenandzaba kutsi kone bani. | 15 |
| 4 | Lushaba bekaphindze abe yindvodza lefuyile futsi lenemali. Tinkhomo takhe betigcwala siganga, bekusengwa lubisi lugcwale imigcoma. Bantfwana bakhe bebakhuluphele bangaka ngobe bebadla kusale. Ingani Lushaba kutsiwa unemali layishiyelwa nguyise. Umkkakhe LaMthiya bekangakhoni kuthula nalenzaza, bekacocela lamanye emakkhosikati atsi kakhe imali igcwele lisutukesi. Ekamelweni laLushaba bekungamane kungene umuntfu ngisho nalomake labesebenta khona abengangeni. Bekummangalisa kutsi yini lelengaka levalelw kulelikamelo, bekagcina ngako kumangala angeke abuta muntu.  | 20 |
| 5 | Kutsiwa Lushaba nakakhumbule uyise abevula lelisutukesi ahlale phasi abale lemali, atsi angacedza ayibuyisele esutukesini ayibeke. Bekangafuni kuyifaka ebhange imali yakhe atsi angeke kubonakale kutsi unemali nangabe lemali ihlala ebhange. Ngalelinye lilanga kwenteka simangaliso. Savuka ekuseni kubikwa indzaza yekushona kwaLushaba lebekangamange abikwe kugula. Kutsiwa wakhala ngekuphelewa ngumoya kwaba kushona kwakhe njalo. Loko kwavisa bantfu labanyenti bakulenzawo buhlungu lobukhulu. Emva kwetinyanga letintsatfu Lushaba ashonile, kwalanzela umkakhe LaMthiya. Sasala sodvwa salukati lesitala Lushaba, LaMtsetfwa. Sasala nemsebenti wekukhulisa batukulu.                            | 30 |
|   |  | 35 |
|   |  | 40 |


- 6 Mine nelicembu lami Lizembe besati kutsi kunetizumbulu temali kaLushaba. Besati kutsi angeke isheshe iphele lemali legcwele lisutukesi. Lemali beyisele ibukwe ngulesalukati sodvwa. Imali ikuphela kwentfo lesiyidzinga kwengca tonkhe tintfo emhlabeni. Sacala ngekutfumela tinholi letiyobuka simo netindzawo tekungena kaLushaba. Phela besiyidzinga lemali layishiyele bantfwabakhe Lushaba. Kwatsi ngalelinye lilanga lahloma Lizembe licondze khona kaLushaba, siya nje sesiyati kutsi salukati lesinguLaMtsetfwa sisheshe silale kantsi futsi asisaboni kahle nasemehlwani, bantfwana bebasebancane. Sangena kaLushaba phakatsi kwalamabili, sashaya sivalo salukati savakala sesibuta kutsi sibobani, sasho emagama ebantfu labangekho kulendzawo siwasusela enhloko. Sala saphetsa salukati satsi angeke sisivulele ngobe asisati. Sakhahlela sivalo savuleka sasho sitseleka ngekhatsi endlini siphetseltilimato, sasitjela kutsi asithule singacali sibange umsindvo ngobe sitasikhomba lesingakate sikubone. Asimange sicutse sikhatsi savele sabuta kutsi sikuphi sikhiya selisutukesi, sisalindzele imphendvulosabona salukati siphendvula emehlo.
- 7 Sisamangele kwenteka intfo lebesingakayilindzeli, asibanga naso nesikhatsi sekucabanga kutsi lamadvodza lamatsatfu achamukaphi. Tilimato lebesitiphetse tavele tatiwela phasi, saboshwa sayovalelwaejele. Sigwetjwe iminyaka lelikhulu namitsatfu umuntfu ngamunye.

[Itsetfwe encwadzini, *Amanqampunqampu*, Likhasi 29–31]

- 1.1.1 Khetsa YINYE imphendvulo. Kutsiwa yini imali loyishiyelwa batali nasebashonile?
- A Liskeke  
 B Lifa  
 C Lidola  
 D Libhizinisi (1)
- 1.1.2 Yini lebeyimenta angabuyi nentjintji nabamtfume esitolo umbhali walenzaba? (1)
- 1.1.3 Shano kune lebekwenta kutsi ekamelweni laLushaba kungangeni muntfu. (1)
- 1.1.4 'Tinkhomo takhe betigcwala siganga' isho kutsini lenkhulumo? (1)
- 1.1.5 Bhala KUBILI lebekwentiwa nguLushaba nakakhumbule uyise. (2)
- 1.1.6 Lushaba bekasebenta muphi umsebenti? Usho ngani? (2)
- 1.1.7 Ligama lelitsi 'Lizembe' likwakhela sitfombe sebantfu labanjani? Sekela imphendvulo yakho. (2)
- 1.1.8 Endzimeni 3 khokha ubhale emaphuzu LAMABILI lasekela kutsi Lushaba bekayindvuna letsembekile. (2)
- 1.1.9 Nguliphi liputsa lelentiwa nguLaMthiya endzimeni 4? Sekela ngeliphuzu LINYE. (2)
- 1.1.10 Utsini ngalesento saLushaba sekungafuni kufaka imali ebhange? Sekela imphendvulo yakho. (2)

- 1.1.11 Ngekubona kwakho ngusiphi sifo lesabulala Lushaba? Sekela imphendvulo yakho. (2)
- 1.1.12 'Imali ikuphela kwentfo lesiyidzinga kwengca tonkhe tintfo emhlaben.' Fakazela lenkhulomo ngemaphuzu LAMABILI. (2)
- 1.1.13 Bantfwana besikolo bafundzani kuletheksthi lengenhla? Sekela imphendvulo yakho. (2)
- 1.1.14 Ucabanga kutsi yini leyenta LaMtsetfwa aphendvule emehlo nababuta sikhiya selisutukesi? Sekela ngemaphuzu LAMABILI. (2)
- 1.2 Fundzisia lesibonwa bese uphendvula imibuto lelandzelako.

### ITHEKSTHI B



[Itselfwe ephephabukwini, i-Drum, mhla ti-16 Mabasa 2016]

- 1.2.1 Khetsa YINYE imphendvulo. Bantfu labahamba ngemabhayisikili ebusuku bangativikela njani ekushayisweni timoto?
- A Ngekugcoka lijezi lelikhulu
  - B Ngekugcoka sikipha lesibovu
  - C Ngekugcoka timphahlala letinemariflektha
  - D Ngekugcoka i-avaloni lendze
- (1)
- 1.2.2 Yini leyenta lona lokulesibonwa ahambe nelibhodlela? (1)
- 1.2.3 Nguwuphi umsebenti longentiwa ngelibhayisikili? Nika KUBILI kwaloko. (2)
- 1.2.4 Bhala KUBILI lokubi ngekusebentisa libhayisikili. (2)

**SAMBA SESIGABA A:** 30

**SIGABA B: SIFINYETO****UMBUTO 2**

Fundza letheksthi bese ubhala emaphuzu lasikhombisa lamayelana **nekukhetsa kahle sikhungo semfundvo lephakeme.**

**CAPHELA**

1. Emaphuzu LASIKHOMBISA akabe yimisho legcwele futsi abe ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Akube liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

**ITHEKSTHI C****KUKHETSA KAHLE SIKHUNGO SEMFUNDVO LEPHAKEME**

Emuva kwekuphasa matekuletjeni kuba matima kubafundzi nebatali kukhetsa tikhungo temfundvo lephakeme. Bosolwati betemfundvo baluleka bafundzi ngekubaluleka kwekukhetsa inyvesi lefanele emkhakheni lebafisa kuwenta.

Kuyasita kutsi nawungumfundzi ukhetse inyvesi lekhicita bafundzi labakahle etifundvweni lofisa kutenta. Ticus lotentako enyvesi kumele tikulolongele umsebenti lotawuphuma uwente. Sikhungo asigcile kakhulu emkhakheni lofisa kuwenta njengekufundzisa kupheka, buthishela, bunjiniyela njll. Ngaloko inyvesi itakhela ligama lelihle futsi ngiko lokwenta bafundzi baheheke.

Kubalulekile kukhetsa tikhungo letitimele nobe tahulumende. Bafundzi bangafundza etikhungweni letitimele nobe tahulumende. Ngaphambi kwekubhalisa etikhungweni letitimele cinisekisa kutsi tibhalisiwe emnyangweni weTemfundvo nekuceceshwa.

Kuhle kukhetsa tikhungo lapho utawufundziswa bantfu labanelwati ngobe lwati lwemfundvo loyitfolako lweyame kakhulu kumuntfu lokufundzisako. Tinsita tekufundza nato kumele tibe khona. Sikhungo asifake ekhatsi umtapomabhuku, emalabhorathi, indzawo yemakhomphuyutha kanye netindzawo tekufundzela.

Tfola kabanti ngemali yekufundza lekhishwa kuleto tikhungo lotikhetsile. Bafundzi labete imali yekufundza bangafaka ticelo tabo ku-NSFAS leyentelwe bafundzi labangakwati kutfola imaliseboleko ebbange, umfundzate nobe batikhokhele bona. Kukhona netinhlangano letifana ne-*Eduloan* letibolekisa ngemali yekufundza. Ungayiboleka lemali kukhokhela imadlana lesele esikhungweni lofundza kuso kute utfole ticus takho nobe utsenge nanobe yini lenye lehlobene nekufundza.

Buka kutsi lesikhungo sisedolobheni lelikhulu nobe lelincane. Kusuka kumfundzi kutsi ufunya kuyofundza edolobheni lelingakanani. Kuhamba uyofundza edolobheni lelikhulu kungakhaliphisa timphilo tebfundzi, baphume sebalungele kuyosebenta emadolobheni lamakhulu. Ebantfwini labangatsandzi imphilo lesheshako kungabasita kuyofundza edolobheni lelincane ngobe batawunaka kakhulu tifundvo tabo.

Kubalulekile kukhetsa tikhungo letinemahhovisi lasita bafundzi. Tikhungo temfundvo lephakeme kumele tibe nemahhovisi ekweluleka bafundzi ngekwengcondvo kute basitakale etinkingeni lababukene nato njengetintfo labangasakwati kuphila ngaphandle kwato, incindzetelo, budlelwano kanye netinkinga tasemndenini. Bafundzi batfola nelitfuba lekwati kabanti ngetifundvo lebafisa kukhanyiselwa kuto nekutsi bangaphumelela kanjani.


Kubalulekile kufaka sicelo sakho sekufundza etikhungweni letiphakeme. Bafundzi labafaka ticelo tabo etikhungweni letiphakeme kusenesikhatsi kubenta bangalindzi sikhatsi lesidze kuze kuphume imiphumela. Kubasita kutsi nakuphuma imiphumela babe seluhlwini lwekufika batfole tikhala tekufundza tikhona.

[Itsetfwe ephephabhukwini, *iBona*, yamhla ti-3 Lweti 2016, Likhasi 68–69]

**SAMBA SESIGABA B:** 10

**SIGABA C: TAKHI NETIMISO TEKUSETJENTISWA KWELULWIMI****UMBUTO 3: SIKHANGISI**

Fundza lesikhangisi bese uphendvula imibuto lelandzelako.

**ITHEKSTHI D**

[Itsetfwe ephephahukwini, iBona yamhla ti-11 Inyoni 2016]

3.1 Bhala lokwenta lona lokulesikhangisi amamatseke. (1)

3.2 Kulomusho longentasi khokha ligama lelikhomba kubabata. Bhala imphendvulo kuphela.

Hawu! sewungaze uhlaselwe sitresi, i-stress away ikhona. (1)

3.3 Khetsa YINYE imphendvulo. Shano kutsi lenkhulumo lengentasi iluhlobo luni lwenkhulumo.

Itfolakala e-iLanga Mall kuphela.

- A Ingemaciniso  
 B Iyimfundzisolate  
 C Itsatsa luLangotsi  
 D Iyinkohliso

(1)

- 3.4 Bhala inkhulomo lechaza kungati lekfanele ukwente lekulesikhangisi. (1)
- 3.5 Nguyiphi inkhulomo lengasilo liciniso kulesikhangisi lesingenhla? Usho ngani? (2)
- 3.6 Bhala kube KUBILI lokwenta lokhangisako abhale sihloko ngefonti lenkhulu. (2)
- 3.7 Ucabanga kutsi yini lokwenta lokhangisako abhale leligama lelitsi, '*i-stress away*' ngemagama latjekile. (2)
- [10]**

#### **UMBUTO 4: IKHATHUNI**

Fundza lekhathuni bese uphendvula imibuto lelandzelako.

#### **ITHEKSTHI E**



[Itsetfwe ephephabukwini, *i-Drum Magazine* lamhla ti-24 Mabasa 2013]

- 4.1 Bhala mcondvophika waleligama lelidvwetjelwe kulomusho longentasi: 'Ngifuna bantfu labasha batitsandze' futsi batfutfukise emakhono abo. (1)

- 4.2 Khetsa YINYE imphendvulo. Shano kutsi loluhlelo lolwetfulwa kulekhathuni lengenhla Iwangasiphi sikhatsi:
- A Lwangensimbi yekucala  
B Lwangensimbi yesikhombisa  
C Lwangensimbi yelishumi  
D Lwangensimbi yemfica (1)
- 4.3 Kulomusho longentasi dvwebela sandziso sendzawo:  
Ngatalelwa eMagudu (1)
- 4.4 Shano kutsi sinongo sini lesidvwetjelwe enkhulumeni 3. (1)
- 4.5 Bhala libito lelingumenti nalelingumentiwa kulomusho lolandzelako.  
Bantfwana bayawutsandza umsebenti. (2)
- 4.6 Bhala lomusho longentasi uvete bunyenti:  
'Umfundzi akatetsembe.' (2)
- 4.7 Tsatsa sabito selucobo kulomusho longentasi bese usisebentisa emshweni lotakhele wona:  
'Bangetsembeli kubatali. Bona abafundze' futsi bente umsebenti wetandla. (2)  
**[10]**

## UMBUTO 5: IPHROZI

- 5.1 Fundza letheksthi bese uphendvula imibuto lelandzelako.

### ITHEKSTHI F

#### TSANDZA UMTIMBA WAKHO

Bantfu nangabe ubatjela ngekutsi uyajima bayakuhleka batsi utihluphelani ngobe abawuboni umehluko. Ngako ke ungalandzela tinhulumo tabo ungapelelwa ngemandla ungasachubeki. Ebantfwini labasebentako sikhatsi sekujima siyimvelakancane. Kumele uzame kutsi kanye nobe kibili ngeliviki utinike sikhashana. 5

Likhaya lingaba netindzawo tekujima letimbawo. Kuye kube kuhle kutsi welule tinyawo ngekuhamba libangakati. Kuvuka udle, uhlale, ulale kuyingoti kakhulu. Kumele ucaphela kudla lokudlako kutsi kunemphilo yini ngobe sekunetifo letahlukahlukene. Uma ufuna kuncoba letifo kumele ujime ngaso sonkhe sikhatsi. Dlani tibhidvo netitselo unatse emanti lamanyenti. Tisite ngekungadli emakhekhe nenyama lefakwe emafutseni. Lala sikhatsi lesidze uphumule. 10


[Itsetfwe ephephandzabeni, Isolezwe, lamhla ti-10 Kholwane 2016, Likhasi 14]

- 5.1.1 Bhala lumphawu lolufanele kulomusho longentasi.  
Ngako ke ungalandzela tinkhulumo tabo ungapelelwa ngemandla. (1)
- 5.1.2 Khipha ubhale libitomfakela kulomusho lolandzelako.  
Tisite ngekungadli emakhekhe. (1)
- 5.1.3 Bhala mcondvofana waleigama lelidvwetjelwe kulomusho longentasi.  
Ebantfwini labasebentako sikhatsi sekujima siyimvelakancane. (1)
- 5.1.4 Khetsa ubhale ligama lelingamela lokudvwetjelwe kulomusho longentasi kulawa lalandzelako. (inyama lebilisiwe/inyama letfosiwe)  
Tisite ngekungadli emakhekhe nenyama lefakwe emafutseni. (1)
- 5.1.5 Shano kutsi letakhi letidvwetjelwe kulemisho timeleni.  
(a) Kumele uzame kutsi kanye nobe kibili ngeliviki utinike sikhashana. (1)  
(b) Kuye kube kuhle kutsi welule tinyawo ngekuhamba libangakati. (1)
- 5.1.6 Shano kutsi lemisho lelandzelako ikutiphi tindlela tesento.  
(a) Kuvuka udle, uhlale, ulale kuyingoti kakhulu. (1)  
(b) Dlani tibhidvo netitselo. (1)
- 5.1.7 Tsatsa sibaluli kulomusho longentasi usisebentise emshweni lotakhele wona.  
Ebantfwini labasebentako sikhatsi sekujima siyimvelakancane. (2)
- 5.1.8 Endzimeni yekucala khipha umusho lonelibitombici uwubhale phasi bese uyalidvwebela. (2)
- 5.1.9 Gucula lomusho longentasi usho kuphika.  
Lala sikhatsi lesidze uphumule. (2)

## 5.2 SITFOMBE

Fundza lesibonwa bese uphendvula imibuto lelandzelako.

### ITHEKSTHI G



[Itsetfwe kuSunday Times, Inhlaba 2015, Likhasi 17]

5.2.1 Khetsa YINYE imphendvulo kuletilandzelako. Liletsa muphi umcondvo leligama lelidvwetjelwe kulomusho longentasi?

Unesibindzi Musa.

- A Kungati
- B Kungesabi
- C Kungebi
- D Kungahambi

(1)

- 5.2.2 Kulomusho longentasi khipha ubhale ligama lelisho kwentisia intfo.  
Make sengibuyile ngiyibukisisile lemali angiyitfoli. (1)
- 5.2.3 Khipha ubhale sentakutsi lesitfolakala efreyimini 2. (1)
- 5.2.4 Bhala umusho loneligama letheknikhi ulidvwebele. (1)
- 5.2.5 Gacula lomusho lolandzelako ube sesikhatsini lesengcile.  
Ngicabanga ngalemali. (2)  
**[20]**
- SAMBA SESIGABA C:** 40  
**SAMBA SAKO KONKHE:** 80